

摘藻堂四庫全書薈要

集部

欽定四庫全書薈要

聖祖仁皇帝御製文第四集卷三十二目錄

古今體詩二十九首

歲除前二日立春

嘉平月初雪後晚坐偶有所見書懷

詠鳥鎗

朕親統六師至寧夏駐蹕二十日遍觀地勢游覽  
山形城之東南有巽湖水最清偶爾得野鴨一

隻羽毛滋潤黃頭紫背胸白翅短與他處所有  
迥然不同業已忘矣今經十五載忽於畫中又  
見此禽因而有感故援筆以記

詠自鳴鐘

賦得禁城春色曉蒼蒼

趙北口水淀作

賦得時人不識予心樂

檣燈

檣燈

調寄點絳脣一名南浦月

五十一年春二月二十四日回鑾遇雨故作春雨  
行

閱河長歌

并序

憶詠蘓州風俗

偶觀演劇作

三月初十日恭請

皇太后雅玩齋進膳看梅花

暢春園西新園觀花

西苑試士

大學士陳廷敬輓詩

湯泉應候

將軍潘育龍久任封疆故存問賜詩

賜將軍吳英

冬至讀易

黃臘梅

賦得冬日可愛

詠雪 并序

賦得月照冰池

吏部尚書引年致仕宋瑩因朕六旬壽慶祝來京  
事畢五月內回本鄉朕念舊臣特書七言律一  
首以紀其事云

賜大學士溫達

幾暇隨筆書懷



欽定四庫全書薈要卷一萬三千一百七十

集部

聖祖仁皇帝御製文第四集卷三十二

古今體詩二十九首

歲除前二日立春

歲盡星回朔氣消迎新慵聽奏笙簫梅花欲報春先到  
猶怯凝寒瑞雪飄

嘉平月初雪後晚坐偶有所見書懷

尺雪同雲晴亦佳心參運水及搬柴羣鳥將宿頻遷樹



半壁餘光反照堦慷慨行年周甲子徘徊撫景對宮槐  
豈辭櫛沐編氓志疾苦先知天下懷

詠鳥鎗

由來火具三皇始後世方興欲廣威未盡響聲先鴈落  
已騰煙處帶禽歸海洋掃却鯨魚浪漠北清塵解鐵衣  
朕親統六師至寧夏駐蹕二十日遍觀地勢游覽  
山形城之東南有巽湖水最清偶爾得野鴨一  
隻羽毛滋潤黃頭紫背胸白翅短與他處所有

迴然不同業已忘矣今經十五載忽於畫中又見此禽因而有感故援筆以記

七邊曾歷賀蘭山塞北咽喉最險關疊翠嵯巒人蹟滅  
堆沙道路栢林攀栢林者非聳然喬木之謂自神木至寧夏積石堆沙之中生栢樹婆娑盤

旋一根至於二三里就地牽攀人馬難走高者不過五六尺粗不過拱把故有栢林攀之句漢渠遙

轉唐渠會濁水先流清水灣野鳥閒棲猶得靜吾今自  
覩二毛斑

詠自鳴鐘

法自西洋始巧心授受知輪行隨刻轉表指按分移絳  
幘休催曉金鐘預報時清晨勤政務數問奏章遲

賦得禁城春色曉蒼蒼

淑色瞳矐射早光御園梅柳怯寒霜三宮紫氣通瑤殿  
九陌和風到建章春社先農開布種初辛祈穀望書祥  
鶯聲燕語添詩思欲去浮文夙夜忙

趙北口水淀作

風微見水綠日暖弄牕妍樹老依根壯心平任物遷維

舟臨草岼揮翰借壺天

此日廟旁借一屋寫字

非是禽魚樂人稠

萬戶烟

賦得時人不識予心樂

恩波遍布首邦畿

此歲地丁俱已蠲免

愛此佳時綠尚微血耗養

衰心益壯神煩物擾體無違暮年筋骨猶能強半世憂  
勞幸免非老慣豫遊山水處傍人那得識天機

檣燈

泊舟淺水意如何為惜春光怡興多倚檻晚晴吟皓月

推窓夜靜悅清波  
冰消浪潔魚吹沫  
風轉雲開鴈踏莎  
更有檣燈分掩映  
輝煌豈亞扣船歌

檣燈

調寄點絳脣一名南浦月

夜靜更深船牕臨  
淀見波影出看何  
景燈映牙檣炯

自笑無文難得佳  
詞整揮毛穎水平  
天永淡露春風冷

五十一年春二月  
二十四日回鑾遇  
雨故作春雨

行

春雨難過時春耕  
不可誤江南苦多  
靈河北厭久煦地

濕易蒸雲土鹺能散霧年年常覲此惟祝順暘雨縱然  
蒙天眷更欲明三務去歲銀花盈尺餘今看滂沛滿溝  
渠兒童應門有喜色農夫奔走百愁舒忙布種治畦蔬  
山谷原隰免歉歉四民俯仰皆安業廟堂憂憫當少除  
娛目怡心願後樂又慮夏秋苗何如仰冀陰晴無爽忒  
方致大有登農書

閱河長歌

并序

朕閱河出郊自南苑過蘆溝順永定河之南岸見十

五年前泥村水鄉捕魚蝦而度生者今起為高屋新  
宇種穀黍而有食矣水淀改成沃野溜沙變為美田  
因思古人云有治人無治法斯言信哉若治之不早民  
至於今未知何似也故有感而作長歌一篇以示善  
後之計云爾

春風春社豔陽天雪盡塵清徧路阡曾記當時泊舟處  
今成沃土及膏田十年之前汎黃水民生困苦少人烟  
歷歷實情親目覩老轉少徙益難撫挾男抱女至馬前

皆云此河不可堵桑乾馬邑雖發源山中諸流數難數  
吾想畿內不能防何況遠慮治淮黃數巡高下南北岸  
方知渾流為民傷春末無水沙自漲雨多散漫遍汪洋  
若非動衆勞人力黎庶無田漸乏食廟謨不惜費帑金  
救民每歲受饑溺開河端在辨高低堤岸遠近有準則  
未終二年永定成泥沙黃溜直南傾萬姓方蘇愁心解  
從此鄉村祝太平昔日膏旰嘗縈慮將來善後勿紛更

憶詠蘇州風俗



鄧尉梅梢月虎丘浪裏峰人爭天地秀物雜理文宗俗  
尚非交讓官箴乏協恭輿情常若此何日奏時雍

偶觀演劇作

雅頌不能傳詩詞降作調唐人歌舞精元曲選聲妙若  
曰得仙音究未探其要暫為遣見聞寄此發長嘯

三月初十日恭請

皇太后雅玩齋進膳看梅花

當年梅雪伴今歲暮春遲銀杏舒新葉木蘭蓋綠枝花

當亭畔發香逐雨中移別殿陳鮮蜜尚方獻瑞芝老萊  
舞膝下珠草列仙墀敬上喬松祝欣瞻王母儀捧觴稱  
壽句進酒問安詞地潤鋪紅萼波澄斂玉池高峰多爽  
氣綺樹得丰姿漏轉催辰半表行近畫奇承歡同永日  
孝思莫違時會慶思經義千秋古訓垂

暢春園西新園觀花

春光盡季月花信露羣芳細草沿階綠奇葩撲戶香寸  
陰惜鬢短尺影逐時長心向詩書興精研莫可荒

西苑試士

霽日東風暖平川宇宙寬文章隨世轉經史得人安講  
學前賢與觀光後進歡有生宵旰慮獨望和羹難

大學士陳廷敬輓詩

世傳詩賦重名在獨遺榮去歲傷元輔去歲大學士張玉書故連

年痛鉅卿朝恩葵志勵國典玉衡平儒雅空興嘆含毫  
感倍生

湯泉應候

一為消疾駐靈泉步輦平明觀插田喜見薺華方遍野  
更看修竹遠籠烟雖無玩賞因偕樂屢慶豐登共息肩  
牕外雨聲滴草舍密林鶯語亦欣然

將軍潘育龍久任封疆故存問賜詩

少年勇戰起元戎久任三秦鐵石衷守土防邊資壯畧  
披堅敵陣表彤弓昇平當惜老臣在竹帛還酌舊日功  
白首怡神存碩果願期添算荷恩隆

賜將軍吳英

水陸封疆六十年曾經百戰駕輕船蓬臺遠涉鯨鯢浪  
島嶼全消烽火烟將老偏宜立志壯宸襟每注施恩延  
波濤有作須先靖黽勉防微計未然

冬至讀易

復自純坤起陰陽由靜生飛灰識地氣吹律考中聲六  
甲周天運九疇味道精非圖窮理譽本末近分明

黃臘梅

臘後江南得早梅春遲北地見花開不隨岼柳初眠後

祇伴寒松破凍回

賦得冬日可愛

復卦初生處景隨玉管回前旗分鳥道後仗向龍堆愛  
日冬偏暖臨橋冰未開寬城行幸地越嶺少塵埃

詠雪并序

偶出喜雪題衆以舊體擬典故而成朕知目前畢竟  
無雪不可為喜故改作詠雪以已意而就非有意於  
詞藻也

季秋封地雨寒月減同雲忽見峰頭白那看樹杪霏衆  
方矜藻績我獨念耕耘未卜來朝慶田疇積幾分

賦得月照冰池

半壁映河隈光瑩鑒溯洄源清同皎潔溜靜自徘徊遠  
照移松嶺寒輝展鏡臺羊腸分岔路飄渺碧雲堆

吏部尚書引年致仕宋犖因朕六旬壽慶祝來京  
事畢五月內回本鄉朕念舊臣特書七言律一  
首以紀其事云

受祉林泉顧養年世家耆德自天全少時劍佩登三殿  
久任吳淞撫九阡行儉銓衡有令譽廣平才藻入清篇  
修齡喜得人間壽雪作鬚眉興欲仙

賜大學士溫達


自少存心敦孝友中年芳譽晚蘭清樞垣華省看封事  
諸粟經邦著政聲三殿綵綸資作楫九霄雨露啓和羹  
君臣鬚髮蒼然矣時念虞廷進善旌

幾暇隨筆書懷



雲牕欲視遠啓戶北憑觀豈若登山望徒勞譜石看禪  
徒空世界仙每誤爐丹何似詩書蘊常圖根本安

聖祖仁皇帝御製文第四集卷三十二



總校官庶吉士臣侍朝

校對官檢討臣王鍾健

謄錄貢生臣李敬敏

欽定四庫全書薈要

集部

聖祖仁皇帝御製文四集卷三十六

三至

詳校官原任編修臣徐立綱



欽定四庫全書舊要

聖祖仁皇帝御製文第四集卷三十三目錄

古今體詩四十九首

五月上旬避暑熱河途中喜麥秋盈野雨暘得時

賦七言一律

夏日山莊二首

金蓮盛放二首

賦得山林引興長



詠夏二首

詠新竹

熱河產人參雖不及遼左枝葉皆同命翰林蔣廷錫畫圖因戲作七言截句記之

蘭菊圖

蓮花岩松牡丹

嘉禾雙穎

湧翠岩觀瀑賞白蓮

梨樹峪道中步輦口占二首

雲巖

山居即事

覽孝經衍義有感而作

用徐木杯器

春行

去歲八九月雨最多民間俗說封地雨故一冬少  
雪猶可支持自交立春復不見雲所以望雨甚

殷昨晚密雲四起夜深甘霖即霑田間老幼無  
不舉手加額歡聲載道朕以民食為天喜均一  
體故賦七言近體以示羣臣

春行

柳絮

清潭

讀朱子全書有感而作

暑將退

浙閩總督范時崇陞見來京朕每念祖為開創宰  
輔父乃忠義名臣所以待之優重今因回任特  
書御詩餞送

古北口提督馬進良以年老辭去朕念當日鷹揚  
百戰挽強執銳自守紫塞內外恬靜皆因宿將  
老成之所致今回林泉深所惜也故賦五言特  
記不忘疆場舊事也

賦得萬壑泉消夏千峰翠作秋



大西門升八旗官閱騎射作

江南諸臣

靈泉啓文明

賦得恩光日邊來

五十三年冬至齋戒作

五十三年冬旱十二月初二日大雪二十一日又

雪途中偶成

賦得梅候宮中樹

賦得三十六宮都是春

日月無私能廣運

春日郊行示地方官六首

舟中鼓琴

和風細雨

望湖春色二首

欽定四庫全書

卷三十三目錄

欽定四庫全書薈要卷一萬三千一百七十一集部

聖祖仁皇帝御製文第四集卷三十三

古今體詩四十九首

五月上旬避暑熱河塗中喜麥秋盈野雨暘得時

賦七言一律

畏暑乘輿出鳳城  
麥秋預卜望庚晴  
千村共飽連年稔  
萬井同歡比屋盈  
谷有靈泉山脉壯  
道無峻嶺馬蹄輕  
移風易俗先忠孝  
蕃息編氓在厚生

夏日山莊

日永炎風盛，純陰在內含。  
扶陽求物理，避暑豈幽探。  
山靜清歌熱，泉潔照碧嵐。  
隨時駐步輦，無著亦無貪。

其二

畏景消煩慮，吟詩續古風。  
野花羅檻外，山鳥滿林中。  
雲氣氤氲合，鶯鳴颯爽同。  
無能尋麗句，賦物媿難工。

金蓮盛放

曾觀貝葉志金蓮，再見清涼徧地鮮。  
近日山房栽植茂，

參差高下共爭妍

其二

數畝金蓮萬朶黃  
凌晨浥露色輝煌  
薰風拂檻清波映  
併作芙蕖滿院香

賦得山林引興長

曾讀杜詩解紛紛  
議論多遇時非泰  
運行道至蹉跎托  
跡山林趣披懷水石歌  
千年賦比興後世豈能過

詠夏

甘泉日永秩南訛清氣重雲入句多性理精研過盛夏  
豈因白首廢編摩

其二

信風已盡接朱明長養蠢容草木亨  
漱露調冰消暑氣  
何如心靜則神清

詠新竹

叢陰半畝潤新篁花氣繽紛伴竹香  
可愛霏微昨夜雨  
簷前風響趁蒼筤

熱河產人參雖不及遼左枝葉皆同命翰林蔣廷錫畫圖因戲作七言截句記之

舊傳補氣為神草近日庸醫誤地精五葉五枝成洛數  
順時當用在權衡

蘭菊圖

尺楮繪秋容搜尋墨淡濃丹青偏綽約錦繡雜茸茸意  
運含毫手神生應矩胸自分枝向背形影入芳蹤

蓮花岩松牡丹



離宮初雨後花氣滿天街石壁流泉響松坪古幹佳香  
凝金掌露名重玉盤釵靜裏經聲息方知道有涯

嘉禾雙穎

夜雨初晴日素商驅暑天林紅變綠葉穀熟卜豐年勿  
訝嘉禾瑞須知貴粟先秋成各地異大有再書篇

湧翠岩觀瀑賞白蓮

畢竟天然造化功方能巧設古今同噴雲百尺穿岩石  
瀑水千層點藥叢波湧白蓮承曉露溪浮綠蓋動香風

經聲似脫紅塵外  
泡影依稀宇宙中

梨樹峪道中步輦口占

入峪橋分三岔路  
傍崖步輦景何深  
山中獨見松林影  
時有清流助鼓琴

其二

一溪展轉見山花  
步步石苔楊柳斜  
試看目前將熟果  
青榛郁李並堪誇

雲巖

三庚不用碧筩酒九井何貪消暑珠自有雲峰來澍雨  
嶢巖風颯到茅廬

山居即事

清商方至催蟬急林葉吟風暑漸遙三伏炎蒸纔過半  
山居徧地喜禾苗

覽孝經衍義有感而作

孝友乾坤蘊彞倫宇宙開無違遵制禮色養勉循陔風  
木追前事春秋思表哀懽心從博愛錫類育英才惡慢

須防過驕危誠取灾教原由匪懈德本足兼該不敬有  
何別存誠自可推始終勸興行經義日昭回

用杅木杯器

素輕珠玉器專製及時杯錯節分花影盤根別利才茂  
林成木癭深谷染莓苔澹泊明吾志天然見體裁

春行

千紅艷萬紫鮮頻催鬚髻方寸懸桃火柳烟恐蕩志吟  
風弄月禁狂顛案牘惟勤被景牽逢春又惡闌芳妍禮

樂詩書海岳編進德修業須鑽研曇雲寂滅淪王道老  
氏無為徒苟延致知端賴格物先次第由來性理篇性  
理無私天地宣太極乾坤未畫前敬承執中授受遠勿  
替心傳思永年

去歲八九月雨最多民間俗說封地雨故一冬少  
雪猶可支持自交立春復不見雲所以望雨甚  
殷昨晚密雲四起夜深甘霖即霑田間老幼無  
不舉手加額懽聲載道朕以民食為天喜均一

體故賦七言近體以示羣臣

吟詠由來喜雨多久晴喜雨更如何天心即是民心感  
海甸應同畿甸歌立政剛柔符造化體仁寬裕得人和  
兩間物理原難盡勿入浮誇曲士科

春行

愛此融融養育多平原高下識恩波雖然迅速春難住  
四季何嘗離太和

柳絮

御苑春將盡和風鼓物生芸牕來淑氣丹陛奏清聲眠  
柳垂青瑣流鶯轉碧泓沾泥非有意高下點蓬瀛

清潭

一潭清冷拂遊塵活水源頭可問津靜處定知無複浪  
動時須認養潛鱗臨流能解薰風意對景先愁滂雨頻  
雲影波光相映處湛然澄澈見天真

讀朱子全書有感而作

降衷天命同仁性氣質多偏亦有全人十已千知自勉

參三列九授師傅直方表裏須涵養朝夕云為在惕乾  
喻道程朱明盡善正心窮理遡淵淵

暑將退

歎蒸少退解煩憂白髮蒼顏萬里愁觸物方知開造化  
閒來更覺有源流倒垂樹影河邊水懸掛波聲岸上樓  
分外並無着意處惟將周易靜中求

浙閩總督范時崇陞見來京朕每念祖為開創宰  
輔父乃忠義名臣所以待之優重今因回任特



書御詩餞送

翼唐九佐開天命論道三台識國楨握管表章文學館  
持忠堅保歲寒名棟梁祖幹家聲重蘭桂孫枝令譽清  
浙閩封疆慎撫育惟期寧靜勉精誠

古北口提督馬進良以年老辭去朕念當日鷹揚  
百戰挽強執銳自守紫塞內外恬靜皆因宿將  
老成之所致今回林泉深所惜也故賦五言特  
記不忘疆場舊事也

勇貴先鋒氣鷹揚後陣威秦關提寶劍沙磧歷天旗白  
髮秋霜肅丹心皎日輝餞飲軍民別恩崇賜御衣

賦得萬壑泉消夏千峰翠作秋

白藏新素節碧澗洗心泉爽籟鳴楸葉纖雲罩野田鴻  
飛橫峻嶺鶴舞愛平川見雨心愁潦聞暘意省愆

聞江南旱

西成登瑞穀南畝慶豐年遠近無殊別盈虛有後先桑  
榆懷壯志吟詠借瑤篇生理隨時發淵衷重體乾

大西門升八旗官閱騎射作

騎射為觀德從來舊制存久安惜將老長治厭兵繁訓  
練雖成法忠貞實本原先知親上義不必問私恩

江南諸臣

廿載安瀾自有因河干臨幸至於頻白首常思善後策  
青疇每念力農晨移風實賴封疆吏化俗無勞專事臣  
吳越山川猶在目雖忘多景不忘民

靈泉啟文明

節應黃鍾律陽生復卦前烈風催短髻暖溜益稀年梅

候宮中樹詩成几上箋乾坤先後畫至理在精研

賦得恩光日邊來

冬藏待春發艮止佐東生八極分仁政諸方拱嚮明車  
書同內外民物望豐亨敬奉無私義殷勤宵旰情

五十三年冬至齋戒作

姤復生生已渾同不因小往大來中簫韶如在精誠致  
鐘鼓云乎禮樂崇日月無私能廣運聖賢有教佐天功  
老年豈惜衰殘力強欲躬行盡潔衷

五十三年冬旱十二月初二日大雪二十一日又

雪途中偶成

玉花泱泱近春和步輦平明迴陌過村老憑門吟里曲  
行人載道詠寒歌無塵遠視山橫塞破凍齊驅馬渡河  
盈尺王畿皆作瑞龍沙惟慮雪霜多

塞外不宜多雪

賦得梅候宮中樹

積雪梅猶冷春寒竹色沉占年勤遠慮惡酒自高吟憂  
樂同民切詩書味道深光風來錦甸生養見天心

賦得三十六宮都是春

四時觀物視韋篇奧旨微言開畫前月窟天根來往處  
地雷乾巽互環旋青陽和煦為春首淑日依遲作道筌  
運轉洪鈞推造化體元善政在身先

日月無私能廣運

春寒暗解消冰勢膏澍新添助發生繡壤已看隨處潤  
柴扉共樂及時耕運籌普被羣黎廣宵旰先思積粟盈  
每覽前村童叟悅楓宸少慰白鬚情

春日郊行示地方官

警蹕幸畿南中和慰閭里千村靜路塵淑氣徧遠邇

其二

每春來此地黎庶盡安康尚德先寬政官僚勉直方

其三

春蒐省耕種莫悞農桑時假寐羹牆睹殷勤意在茲

其四

牧民寄所重授鉞賴宣風曩昔官箴在開誠上下同

其五

平成多歷年生齒既蕃庶惟食在天時輕徭民自豫

其六

案讀五經義遐觀四海圖緬懷洙泗訓期共樂天衢

舟中鼓琴

蓬牕聽綠綺月影映船遙靜裏宮商別風前律呂調雁  
飛遙集渚魚躍欲乘潮雨歇苔猶濕應知助麥苗

和風細雨



春潭連霽霽沙岼泊輕舟鴨綠苔痕靜人閒載酒遊風  
帆通野望雨氣雜清流懷保先農事觀耕鳳蹕留

望湖春色

極目平波心水同烟添媚景日曛曛湖邊淑色年年有  
似我澄懷數省躬

其二

倚檻平明對草廬溪濱來往隱樵漁雖然九五乘乾位  
山水幽情自卷舒



聖祖仁皇帝御製文第四集卷三十三

欽定四庫全書薈要

聖祖仁皇帝御製文第四集卷三十四目錄

古今體詩三十五首

舟中觀耕種

春歸

南方青竹叢林不乏觀玩北地氣寒非保護得宜  
即難藝植朕嘗有事河干往來數次覽竹樹之  
暢茂暫時停輦即行後於禁苑種植頗蕃今經

三十餘年邇來延致數畝之廣其圍至八寸徑  
二寸五分有零古人以竹比君子因而思及草  
木無知積小以至於高大人有血氣加之培養  
豈非國家楨幹之選歟故賦七言一律記之

五十四年仲夏避暑途中瑞麥盈野賦五言律以  
記

每見村農野老不識不知天然自得孝弟發於至  
性樸誠不事文辭故美其實而取先進之意賦

七言一律

擎盞荷珠

調寄鷓鴣天

雨後戲題回文詩

佛手柑

賦得江城五月落梅花

芝徑雲隄細雨歸舟

題蘭

詠剪秋羅

錢大學士李光地暫回閩省

秋幸出郊見收成志喜五言律二首

賦得帳殿鬱崔嵬二首

康熙五十四年十月初三日避暑山莊恭祝

皇太后萬壽詩

并序

冬日可愛

冬夜偶成二首

錢閩撫陳瓚

季冬湯泉

五十四年除夕偶成

康熙五十五年正月元旦書懷

上元前三日立春

五十五年正月十二癸卯立春是日風從東北而  
至景雲密布瑞雪鋪地至十三日未止書云立  
春與元日同占乃收成之兆故喜民有足食之  
慶朕慰宵旰之憂賦五言排律以記其事



春寒梅遲

湯泉道上遇雪口占

春風扇微和二首

題朱倫瀚手指畫雪梅竹二首

兩廣總督趙宏燦陞見來京

賦得二月春風似剪刀

欽定四庫全書薈要卷一萬三千一百七十二

集部

聖祖仁皇帝御製文第四集卷三十四

古今體詩三十五首

舟中觀耕種

四野春耕阡陌安徐牽密纜望河干土肥原係黃沙過  
永定河泛濫之際遍地黃辛苦先年挽異瀾  
水自治河之後得以耕種

春歸

勿訝春歸速還因冷覺遲煙寒榆莢落雨逐柳黃移惜

景勤經學怡情喜協時惠風雖曰盡長養已相隨

南方青竹叢林不乏觀玩北地氣寒非保護得宜  
即難藝植朕嘗有事河干往來數次覽竹樹之  
暢茂暫時停輦即行後於禁苑種植頗蕃今經  
三十餘年邇來延至數畝之廣其圍至八寸徑  
二寸五分有零古人以竹比君子因而思及草  
木無知積小以至於高大人有血氣加之培養  
豈非國家楨幹之選歟故賦七言一律記之

培養叢篁多歷年竹牕抱節綠雲鮮猗猗玉潤歌君子  
濟濟心虛憶俊賢可愛繽紛含宿雨最宜瀟灑動新烟  
餘春欲伴寒松住漸晚韶光被景牽

五十四年仲夏避暑途中瑞麥盈野賦五言律以  
記

忽送清塵雨題詩吮兔毫青黃接玉粒霰霰佐瓊膏入  
野農歌遍緣溪牧笛高蔚林能解愠密草滿亭臯

每見村農野老不識不知天然自得孝弟發於至

性樸誠不事文辭故美其實而取先進之意賦

七言一律

晝夜徬徨利祿間奚如鄙里野人間詩書不解窮通事  
名姓無聞士官班孔顏樂處簞瓢在孝弟真情稚子關  
可笑文章少實據空將浮偽玷青綸

擎蓋荷珠

調寄鷓鴣天

數畝芳塘花未開荷珠清露落莓苔雨涼翡翠搖歌扇  
風弄蜻蜓逐水隈乳燕舞曉鶯來炎天還似未春回

葛衣日暮絲絲冷丹檻泉聲處處催

雨後戲題回文詩

雲收曉景霽烟開曲檻香凝露染苔分徑花光清氣爽  
紛紛雨思綺文裁

佛手柑

生綠熟黃却有因清香閩嶠共呈珍似開貝葉瞿曇手  
妙合華陰仙掌垠異物不須傳驛路竒芬欣得近楓宸  
畫圖尺素分枝幹相對無煩憶海濱

賦得江城五月落梅花

梅花一調楚江干，吹徹瀟湘五月寒。  
地北天南無謫叟，不教羈思入毫端。

芝徑雲隄細雨歸舟

長隄一線入芝逕，小艇乘涼隔岸移。  
水向方橋潄細浪，風吹菡萏倒垂枝。  
秋成已慶年豐兆，暑盡無憂雲漢詩。  
遺事陳瓜為七夕，偶因佳節賦清辭。

題蘭

君子之道闇然日章蕙蘭之質有風則香草木培植格  
物知詳飛潛動靜各有攸藏秉精天地青紫芬芳產自  
松島移根草堂

詠剪秋羅

可惜輕羅任剪裁名傳南國向秋開未知紫塞多佳種  
雜置嫣紅配綠苔

餞大學士李光地暫回閩省

恊恭惟得老成儒味道經書翊廟謨白髮辭君千里去



丹心捧日寸誠敷秋霜昔歲明臣節崑玉冲襟決勝符  
暫別恩榮宸翰賤勿勞遠念慰長途

秋幸出郊見收成志喜

節屆商秋早農忙屢歲豐柴門歌再稔比屋樂同風人  
烟多慶色霜樹雜微紅極目高低景山川一望中

其二

滌暑高風至中分白露微草肥宜牧馬林薄好行圍水  
向堦前注峰排雲外稀斜陽臨帳殿晚色秘天機

賦得帳殿鬱崔嵬

茂林葉未黃賓鴈始成行  
後隊分山出前旌越嶺揚  
鹿鳴秋草盛人喜菊花香  
日暮帷宮近風高暑氣藏

其二

清露知時轉纖雲却暑回  
豫遊臨石磴雜踏過河隈  
潭靜魚吹沫林疎鹿印苔  
秋成良可賦為此共徘徊

康熙五十四年十月初三日避暑山莊恭祝

皇太后萬壽詩并序

伏以

坤厚直方德配含弘以光大

母儀康健慶來積善之安貞靈芝仙草咸歡比日之休  
雪藕冰桃好祝如山之壽同雲未結花雨長存肅  
肅蓮華熒熒貝葉虔寫金經取剛柔之不壞恭呈  
鄙語願福祉之無疆萬歲千秋乃文章之故套毫  
年遐筭實世間之瑞人臣捧霞觴恭祝百歲不揣  
無文敬賦長律

誕值小春暖承顏愛日長農間歌樂土臣喜拜山堂  
孟月祈年節芳卮獻壽觴南峰留翠蓋北斗燦珠行  
愉色常猶怯怡聲久未忘歡心依

白髮福曜現青方至養

慈闈慶遐齡

母德昌虛文豈作頌人瑞紀篇章

冬日可愛

秋斂冬藏暗發生循環潛應有餘情扶陽布序君人志

愛日書雲宇宙明長至免行丹陛禮融風不設玉厨羹  
化醇意切慚涼德漸喜春和萬物榮

冬夜偶成

隆冬何必辟寒犀惟有蒼顏性不迷玉律廻環新故接  
釭花夜永卷中題

其二

安危最係在君心待旦殷勤化理尋鶴髮多愁猶警惕  
長思時弊若臨深

餞閩撫陳瓚

留犢從來漢史傳，建牙分閫賴官賢。  
寬嚴馭吏須交勉，教養宜民務使全。  
嶺海屏藩消蜃氣，關山保障息烽烟。  
迎年節近新春至，援筆楓宸餞別篇。

季冬湯泉

素雪滿川山未露，霜林盈野日將斜。  
祈年正喜逢長至，澡德非同玩物華。  
秉燭檢書冬夕永，爇香待旦畫屏遮。  
靈泉每助消寒效，總為純陽辨正邪。

五十四年除夕偶成

待曙迎新節，辭寒憶舊時。  
風光忽瞬息，歲月急星馳。  
少小勞宵旰，中年按古規。  
精力雖云憊，衷腸堅不移。

康熙五十五年正月元旦書懷

乍回斗柄又芳晨，端月元陽萬象新。  
竹葉向風消積雪，梅花除臘報初春。  
彤庭啟節迎祥始，邃閣興文起草頻。  
每繹晦翁真樂處，早知天意即生民。

上元前三日立春

臘寒猶接上元燈  
牕外參差六出凝  
媚景新春催玉律  
惠風活水破蛟冰  
殷勤祈穀寧辭瘁  
勉強雕蟲愧未能  
九陌人烟多喜色  
千門比戶望年登

五十五年正月十二癸卯立春是日風從東北而  
至景雲密布瑞雪鋪地至十三日未止書云立  
春與元日同占乃收成之兆故喜民有足食之  
慶朕慰宵旰之憂賦五言排律以記其事

問夜何嘗歇殷勤六十年  
歲華催短鬢寸晷惜擔肩豐



歎無推數平成在事先人安為國瑞穀熟是民天慚撫  
陶甄治思將法令蠲雲濃春氣早風靜漏聲傳南陌銀  
花徧東郊繡壤連管絃喧里巷燈火接山川不為私情  
擾寧耽寶饌延祇期民俗厚敢詡治功全禮讓傳家教  
詩書戒徃愆翠烟籠畝泛泛潤桑田

春寒梅遲

化工節候遞推移長養生生雨露垂雪冷梅驚頻吐萼  
春遲柳怯未颺絲陽禽北向還應早林雀羣爭若有知

和氣停雲今夕晚走橋明月賦新詞

湯泉道上遇雪口占

種麥田間盼尺盈牧羊沙漠惡飄雲王臣率土分憂樂  
莫道天公有不平

春風扇微和

雪消山露背泉暖日暄波蕩滌甘言疾澄清無妄疴  
其二

淑氣來春甸和風慰愍農東郊滋土潤雲盡顯諸峰

題朱倫瀚手指畫雪梅竹

指端寫出犯寒梅老幹單枝雪裏培疑是江南春色晚  
紅芳遍野點青苔

又

雪覆石林竹時催臘盡梅閒雲飄遠岫長對翠屏開  
兩廣總督趙宏燦陞見來京

鎮撫封疆多歷年滇黔百粵凱歸羈當時馬革抒誠切  
近日龍光錫慶綿萬里宣風梅嶺表三台擁節桂江邊

優隆主眷酬耆舊芸閣宸章賜綺筵

賦得二月春風似剪刀

春居別墅少人喧煦育深知造化恩  
雪淨梅花舒綠萼霜輕柳帶拂朱垣  
和風宇宙嚴寒解暖日亭臯物色繁  
無欲自然得靜理丹顏已過白鬚存

聖祖仁皇帝御製文第四集卷三十四

欽定四庫全書薈要

聖祖仁皇帝御製文第四集卷三十五目錄

古今體詩三十三首

春日即事

曉發蘆溝

六里橋鐵柱

水村

春水滿四澤

舟中觀獵

仲春聞雁

閱永定河隄

有序

絡緯養至暮春

五十五年三月下旬園中桃杏玉蘭梅花齊放其

中玉蘭茂盛可觀特請

皇太后一閱

去歲三冬有雪至三月間農忙之際二十七日夜

雨竟夕喜而成詠

賦得隴麥

五十五年冬謁

陵作

春幸

風阻駐蹕白洋湖偶成

小滿後偶早途中祈雨四月二十三日甘霖大霈  
晚夏偶成



憶揚州天寧寺竹

七月十六日賜九十一歲老和尚

題畫

澤卜尊丹巴胡土克圖老喇嘛上壽

未開新荷

戲題千里眼

賜松江提督趙珀

綠金蓮花

賜老大臣

蘇州巡撫吳存禮

山莊四季

冬至不能全禮

病中偶爾問及工部尚書翰林院掌院學士徐元  
夢乃同學舊翰林康熙十六年以前進士再無  
一人矣率賦一律以遣悶懷



欽定四庫全書薈要卷一萬三千一百七十三

集部

聖祖仁皇帝御製文第四集卷三十五

古今體詩三十三首

春日即事

最盛芳春育物多  
仲陽孳茂野煙和  
豈辭宵旰求民隱  
益守平成免賦苛  
望杏敦耕迎淑氣  
瞻蒲勸稼播嘉禾  
中疇社鼓聲相應  
敷惠元元載路歌

曉發蘆溝

有閨春深淑景遲長橋冰泮未流澌徘徊風景思疇昔  
千里金隄保舊規

六里橋鐵柱

鎔鑪鑄冶鎮橋西往返行人舊迹迷世遠傳殊誰識得  
天南銅柱想應齊

水村

曾記江淮泊萬艘便旋水淀暫春遊雖無浩渺長波壯  
亦有清漪錦浪浮日暮帆檣排遠岼風輕簑笠聚芳洲

鄉村不識居官况漫笑朝堂身世憂

春水滿四澤

條風拂春水碧漲繞烟岑梅萼先知暖林梢漸覆陰柳  
舒鳴好鳥渚靜習時禽韶景融和處潛窺造化心

舟中觀獵

習戰昆明漢武穿於今江海靖鯨烟常思遠涉堅筋骨  
每令平流演獵船雁陣驚鎗離復合鷗羣畏弩散還連  
衰年雖乏挽強力黽勉春蒐以德先

仲春聞雁

漸喜春和踏草行郊原遙聽曙雞鳴  
賓鴻欲向銀灣渚社燕方栖靜舍楹  
已覺陰消餘雪散爭看陽長早潮生  
省耕畿輔先羣吏留憇田間夜不驚

閱永定河隄

有序

康熙四十年永定河告成至今十六載隄岍堅固並  
無氾濫去歲山水陡長幾不能保所以春幸回鑿便  
道察閱方知昔年修築有益於民生永保安瀾矣故

賦七言近體以記其事

豫定安瀾在事前每逢雨潦自心牽帑金不惜籌耕種  
膏土惟思廣陌阡隄老失防愁剝蝕岸堅常護幸安全  
肩輿頻視桃花水滾滾渾波通碧漣

絡緯養至暮春

秋深厭聒耳今得錦囊盛經臘鳴香閣逢春接玉笙物  
微宜護惜事渺亦均平造化雖流轉安然比養生

五十五年三月下旬園中桃杏玉蘭梅花齊放其



中玉蘭茂盛可觀特請

皇太后一閱

玉花萬朶祝

慈顏藉奉懽心半日閒閏月春遲添歲永香枝風送待  
時還膝前五代承

王母陛下千齡獻壽山乍曉銅龍迎鳳輦霜容天上覩  
仙鬟

去歲三冬有雪至三月間農忙之際二十七日夜

雨竟夕喜而成詠

滋麥如酥雨空濛入土膏心同黎庶苦目盼紫壇高  
任罷已知重安人寧避勞春愁暫且釋點點付揮毫

賦得隴麥

節遲穀雨後田麥始分畦已送花開盡難將春事稽  
純陽時序近餘閏化成齊未卜陰晴適先期輯庶黎

五十五年冬謁

陵作

拜奉山

陵汨兩垂提携鞠育賴

仁慈松林轉盛青如許鬢髮勞傷白所宜屈指多年思  
慕永深慚暮景遠來遲珠丘玉殿依然覲悲想

音容寸晷移

春幸

載陽節候愛春和賓日中衡社後過東作勤耕勞衆力  
西成有獲廣農科官箴先戒關河固節鉞曾經歲月多

正已清心倡庶吏宣恩莫使政煩苛

風阻駐蹕白洋湖偶成

平波數頃似江聲風阻湖邊一日程可笑當年巡幸遠  
依稀吳越列行營

小滿後偶旱塗中祈雨四月二十三日甘霖大霈  
夙夜愁懷春夏間天時難信未怡顏平原晚麥纖莖槁  
四野新禾旱色殷乍起雲光連嶺岫先垂雨脚遍人寰  
共沾甘澍敷膏澤民食方知稼穡艱

晚夏偶成

青榛方作粒，郁李漸微紅。  
草藥迷香徑，荷花待晚風。  
莫愁秋雨近，且望歲時豐。  
倚檻頻觀稼，銀鬚一老翁。

憶揚州天寧寺竹

久別金焦十一年，依稀寒暑遞推遷。  
此君有意虛心待，歎我徒勞幽思牽。  
雁逐西風何處問，雲回北地竟誰傳。  
翠筠晚節饒蒼籜，遠寄宸章梵宇前。

七月十六日賜九十一歲老和尚

暑退全消陌上塵  
孟蘭大善見姚秦  
臨風洗鉢龍池雨  
凝露舒蓮驚嶺春  
送節雙輪同夢幻  
持心半偈見深淳  
循環已識盈虛理  
不向山僧更問津

題畫

杖藜端不染輕塵  
野趣天然景物新  
春水風帆一目盡  
孰知逝者太華津

澤卜尊丹巴胡土克圖老喇嘛上壽

想像當年論轉輪  
龍沙遙隔十餘春  
相知惟有菩提行

得解嘗聞秘密真花雨頻施鋪佛帳貝經每祝上楓宸  
睂橫鼻豎長松壽導引衆生善後因

未開新荷

清和將盡未端陽時雨催擎珠點涼不染淤泥看淨植  
雖無花氣葉先香

戲題千里眼

欲窮視遠目曠渺有無中體認全憑準遐觀約略同雖  
依雙鏡力獨用一瞳功不重西來巧清明本在躬

賜松江提督趙珀

憶昔雲間山水邦，波流清潤抵松江。  
春秋久未臨鑾輅，時刻嘗懷擁節幢。  
訓練多方嫻步伐，撫循成俗重敦龐。  
建牙好慰軍民望，服衆投醪士氣降。

綠金蓮花

牡丹有綠誠仙品，幻色生香野草中。  
數朶乍開凝碧玉，黃花應遜碧花叢。

賜老大臣



舊日講筵剩幾人徒傷老朽並君臣平生壯志衰如許  
諸事灰心懶逼真求簡遠巡多恍惚遇煩留滯累精神  
年來詞賦荒疎久覓句深慚筆有塵

蘇州巡撫吳存禮

曾記臨吳十二年文風人傑並堪傳予懷常念窮黎困  
勉爾勤箴官吏賢

山莊四季

節屆三春勝發生萬彙齊諸花候御輦百穀待村犁

九夏愁暘雨千林葉正肥祇因思避暑端拱計頻違  
金風多爽颭清露滴烟浮目睹倉箱滿方知歲有秋  
歲暮添霜鬢殷勤宵旰勞地寒盈尺雪還慮北風高  
冬至不能全禮

老殘多阻詣

園丘一念精誠或解憂愆過常思

天每鑒衰頽恒覺自難由無心成化無私覆不息流行  
不顯求瞻拜

洪鈞慚禮缺書雲顒望太平秋

病中偶爾問及工部尚書翰林院掌院學士徐元  
夢乃同學舊翰林康熙十六年以前進士再無一  
人矣率賦一律以遣悶懷

七旬彼此對堪憐病裏回思一慨然少小精神皆散盡  
老年歲月任推遷常懷舊學窮經史更想餘閒力簡編  
詩興不知何處至拈毫又覺韻難全

聖祖仁皇帝御製文第四集卷三十五

欽定四庫全書薈要

聖祖仁皇帝御製文第四集卷三十六目錄

古今體詩三十八首

千叟宴

朕自幼不喜厚味今年登古稀深知粗食軟蔬足  
以頤養天和有人進萋蒿苦麻者因而書懷

題新安道上

示平藏將士

六十一年春齋戒書

園中無處無花觸目皆是故作此自嘲

端陽

久旱無雨夙夜徬徨夏至前方得普霑

豐登者朕之獲福歉收者朕之失政出此入彼不能自恕故作近體一律以自遣

避雨聞鐘

同老侍衛

佛桑花

京中報到霖雨普霑

夏至

山莊晚眺

登四面雲山

夏日山莊百花齊放

題山水畫

山中自詠

山居

戲作回文

題畫

早御稻

題畫

輓總督趙宏燮

自笑古稀

立秋在六月

憶陝西二首

月來香

膳酒自述

樹葉扇

惡繁華

書懷

中元日同僧語

喜嶺外水土



六十一年秋出哨

回鑾

欽定四庫全書薈要卷一萬三千一百七十四

集部

聖祖仁皇帝御製文第四集卷三十六

古今體詩三十八首

千叟宴

百里山川積素妍  
古稀白髮會瓊筵  
還須尚齒勿尊爵  
且向長眉拜瑞年  
莫訝君臣同健壯  
願偕億兆共昌延  
萬幾惟我無休暇  
七十衰齡未歇肩

朕自幼不喜厚味  
今年登古稀深知  
粗食軟蔬足

以頤養天和有人進萋蒿苦麻者因而書懷

淡泊生津液清虛樂有餘鬢霜慚薄德神憊恐高譽苦  
好山林趣深耽性道書山翁多耄耄粗食並園蔬

題新安道上

滿目平川映遠空身形少健一衰翁社前荷鍤爭春暖  
隴畔扶犁趁晚風雨澤深邀天地德耕桑還賴穡人功  
京南每出同村叟總得陽和一氣中

示平藏將士

去年藏裏凱歌回丹陛今朝宴賞陪萬里辛勤瞬息過  
歡聲載道似春雷

六十一年春齋戒書

性理參天地經書輔國朝勿勞民力盡莫使俗氛囂不  
悞農桑事須輕內外徭風高林鳥靜雨足路塵消視察  
焉能隱行藏豈可搖桑榆雖景暮松柏後霜凋長養春  
容盛寬嚴君德調倦勤應不免對越愧明昭

園中無處無花觸目皆是故作此自嘲

無花無酒亦氤氲  
況有清香到處聞  
萬紫千紅雖瞬息  
古稀吟詠忘辛勤

端陽

春夏連年旱魃災  
雖逢令節免流杯  
清和幸得甘霖霈  
競渡蒲樽覽一回

久旱無雨夙夜徬徨夏至前方得普霑

喜雨雖云快  
豈無久旱由望雲  
待旦起問夜數更  
愁霖  
霈  
塵偏稽候  
雷遲小滿後方有聲  
風霾任作尤  
西成登穀後  
方慰憫

農憂

豐登者朕之獲福歉收者朕之失政出此入彼不能自恕故作近體一律以自遣

喜雨人同我不然  
鰓鰓宵旰待豐年  
千村時若千村慶  
一日恒暘一日愆  
率土盈寧難並得  
普天恩澤豈兼全  
先憂後樂何能遂  
衰景殘齡祇自憐

避雨聞鐘

雨阻端陽湧翠隈  
荷香瀑水點新苔  
午鐘忽送雲花曲

那得閒心笑幾回

同老侍衛

龐眉經歲月憶昔舊人稀少小兒童戲年高親故違歎  
無手足力偏有友朋譏膝下曾孫事怡情待晚暉

佛桑花

木槿層樓號佛桑新移遠道愛芬芳開時先占榴花艷  
留日還同菊蕊香

京中報到霖雨普霑

亢陽愁久旱霖雨滿溝渠  
倏忽枯枝潤須臾卷葉舒  
千村勤襪襖萬頃促犂鋤  
企望收成後欣看穀賤書

夏至

山莊逢夏至齋戒禁中同  
翠渚萍先綠荷池花未紅  
葛衣求體便蔬食養心功  
偶得因幾暇偷閒碧樹叢

山莊晚眺

島嶼堪圖畫溪橋宛自成  
池邊樹影接峰外月華生  
衆鳥巢簷穩羣獐伏地平  
無知知德化推擴至民情



登四面雲山

雲梯石磴逼巖從倚杖傍觀衆壑同更上一層圖遠望  
奈何樹雜與烟籠

夏日山莊百花齊放

咫尺雄關一線牆景風已拂尚芬芳近都愛此清涼地  
逢草逢花莫不香

題山水畫

嶺岫嶽崎路渺茫畫工摹寫各舒長雲峰四起添山色

竹樹重陰致夏涼最愛蕭疎隨意筆可稱流動賞心方  
依稀岩洞神仙住那得閒情問草堂

山中自詠

一生何事不斟量老至偷閒自可傷倦體每思依石憇  
俗情且喜對山忘春容無計尋方便荏苒誰能駐景光  
濯足滄浪清水在企思歸詠舞雩傍

山居

迎薰避暑駐山莊四顧重重丘壑長雨後雛鶯歌密樹

風前練雀舞斜廊靜觀得趣無非景佳興涵虛可致涼  
烹茗汲泉清意味箇中誰解有真香

戲作迴文

年豐足雨和時穀賤家家展眉專意民安物阜先為德  
廣恩施

題畫

敬懷瀟灑馭風仙散慮逍遙不記年名利牽情忙苦輩  
方知憂樂豈蕪全

早御稻

紫芒半頃綠陰陰最愛先時御稻深若使炎方多廣布  
可能兩次見秧針

題畫

隔溪隱隱見牕紗幾度呼童問酒家尺幅林巒分遠近  
畫工濃淡最堪誇

輓總督趙宏燮

四十餘年撫近京旗民稱善政和平保全終始君恩重

卷三十六  
奄逝悲涼衆涕盈不畏刁頑持法紀久司鎖鑰務精明  
官方仍在歸泉壤節鉞空懸攬轡情

自笑古稀

月宇啟牕紗身閒興轉賒龐眉臨事暗垂老厭人譁懶  
情心惟靜精勤目已花臨池慚手澁無復競龍蛇

立秋在六月

庚伏雖云盡依然六月中歎蒸臨水榭溽暑望金風未  
變楸梧色還舒菡萏紅杖藜西顧意數問奏邊功

憶陝西

長安城闕昔曾遊黃水名山宛在眸清渭東流流自在  
陽關遠去去何休民稠地險人難化穀賤年豐信有收  
衰老無能再一覽緬懷西顧愈添愁

其二

秦嶺河西風俗淳尚餘剛勁氣難馴寬嚴相濟毋偏執  
教養兼施在體仁官久每聞滋反覆吏新未曉作陶甄  
小詩自覺乏文麗可盡衷腸對士民

月來香

月色東升候晚明金風初到吐芳英忽聞香撲紗帷近  
更覺游仙夢轉清

膳酒自述

盈餘休說帝王家儉樸身先務戒奢盛饌醇醲應有損  
野蔬風味亦堪嘉樽中旨酒無能飲案上珍餚勿過加  
淡泊寧心和五味養身得正勝丹砂

樹葉扇

葉綠存生氣香清却暑風輕搖能夏爽巧製見人工

惡繁華

村野無知太古風心依先進是吾衷不須問到繁華樂  
願與生民遯受中

書懷

不逮精神老愈愁銀鬚鶴髮更何求艱難世事危心力  
履薄臨深豈自由

中元日同僧語



夙夜焦勞白髮盈愁腸一日幾迴縈偷閒暫向山僧話  
可掃塵緣愛憎情

喜嶺外水土

露凝肥草淨無塵處處泉源漾碧津食少事多宵旰老  
暫偷閒暇養吾身

六十一年秋出哨

歲歲經行處山川照舊時峰巒不改色髣髴已如絲勝  
地清涼適衰年水土宜非因耽逸豫實借憇神思隔嶺

疑圍濶聞聲呼鹿隨歸營常早歇撫景自堪怡行伍原  
齊脩屏藩任指麾薄來厚往義遠近普恩施

回鑾

獵罷回鑾塞冷時旻天今歲落霜遲圍人競帶甘肥脯  
田叟爭收高下麋穀賤共知欣有食物多須記守長規  
西成盈野倉箱滿關內依然是所思

聖祖仁皇帝御製文第四集卷三十六

雍正十年十二月初十日奉

旨開載編校諸臣名銜

編錄

和碩莊親王臣允祿

和碩果親王臣允禮

少保兼太子太保保和殿大學士臣張廷玉

太子太傅文華殿大學士臣蔣廷錫

校對

翰林院侍講學士臣方苞

校刊

翰林院編修臣朱良裘

翰林院編修臣陳浩

翰林院檢討臣呂熾

翰林院編修臣鄧啟元

翰林院檢討臣程光鉅

翰林院編修臣于辰

翰林院編修臣鄒一桂

翰林院編修臣吳文煥

翰林院編修臣趙大鯨

翰林院編修臣王泰陞

翰林院庶吉士臣吳華孫

翰林院庶吉士臣楊廷棟

翰林院庶吉士臣栢謙

翰林院庶吉士臣劉元燮

監造

稽察內務府事務監察御史兼護軍叅領領臣三保

都虞司員外郎臣雅爾岱

會計司員外郎臣常安



廣儲司緞庫司庫臣李之綱

監造臣胡三格

監造臣釋保



財團法人  
佛陀教育基金會  
釋淨空  
敬贈



總校官庶吉士 臣侍 朝  
校封官檢討 臣王鍾健  
騰錄貢生 臣李敬敏